

ხელშეკრულება სახელმწიფო შესყიდვის შესახებ N 84
(გამარტივებული შესყიდვა CPV 42512200)

ქ. ფოთი

2022 წ.

ერთის მხრივ,

სსიპ „საქართველოს სახელმწიფო ჰიდროგრაფიული სამსახური“ ს/კ 215082764.

მისამართი: საქართველო, ქ. ფოთი დ. თავდადებულის ქუჩა N 93.

საბანკო რეკვიზიტები: სახელმწიფო ხაზინა“ ბანკის კოდი: TRESGE22 ა/ა: 707247519.

დირექტორი: რევაზ ბაბილუა. (შემდგომში „შემსყიდველი“)

და მეორეს მხრივ,

სს „ელიტ ელექტრონიკსი“, ს/კ 202268928,

მისამართი: საქართველო, თბილისი, ვაკის რაიონი, პეტრე ქავთარაძის ქ., N3

ფაქტიური მისამართი: ქ. ფოთი, რუსთაველის რკალი ქ. N 24

ტელ: 995 32 48 48 48

საბანკო რეკვიზიტები: სს „თიბისი ბანკი“; ბანკის კოდი: TBCBGE22; ა/ა: GE69TB0600000120467205

დირექტორი: ლადო ჯობავა, პ/ნ 48001000724 (შემდგომში „მიმწოდებელი“)

შორის დადებულ იქნა ხელშეკრულება შემდეგზე:

1. ტერმინთა განმარტებები.

1.1 "ხელშეკრულება სახელმწიფო შესყიდვების შესახებ" (შემდგომში - "ხელშეკრულება")- შემსყიდველსა და მიმწოდებელს შორის დადებული წინამდებარე ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით.

1.2 "ხელშეკრულების ღირებულება" - საერთო თანხა, რომელზეც გაფორმებულია წინამდებარე ხელშეკრულება.

1.3 "შემსყიდველი" - ორგანიზაცია, რომელიც ახორციელებს შესყიდვას.

1.4 "მიმწოდებელი" - პირი, რომელიც ახორციელებს საქონლის მოწოდებას ხელშეკრულების ფარგლებში.

2. ხელშეკრულების საგანი და შესყიდვის ობიექტი.

2.1 „მიმწოდებელი“ უზრუნველყოფს „შემსყიდველ“-ს მიაწოდოს საქონელი ჩამონათვალის შესაბამისად:

N	CPV კოდი	საქონლის დასახელება	განზომილების ერთეული	რაოდენობა	ფასი	ღირებულება (ჯამური)
1	42512200	კონდეციონერი - HYUNDAI – ESAF-12HN8-G. მონტაჟით	ცალი	2	1719.99	3,439.98
სულ:						3,439.98
						ლარი

2.2 მოსაწოდებელი საქონელი უნდა იყოს ახალი, ექსპლუატაციაში არ ნამყოფი, მას უნდა მოყვებოდეს შესაბამისი დოკუმენტი: პასპორტი ან/და მომხმარებლის ინსტრუქცია.

2.3 საქონლის მოწოდების ადგილი: ქ. ფოთი. დ. თავდადებულის ქ. N 93;

3. ხელშეკრულების ღირებულება.

3.1. ხელშეკრულების ჯამური ღირებულება შეადგენს 3,439.98 (სამი ათას ოთხას ოცდაცხრამეტი ლარი 98 თეთრი) ლარს.

3.2. ხელშეკრულების ღირებულება მოიცავს ხელშეკრულებით გათვალისწინებული საქონლის შესყიდვასთან, მონტაჟთან და მოწოდებასთან დაკავშირებულ ყველა ხარჯს.

4. საქონლის მიწოდების ვადები და გარანტია.

4.1 შესყიდული საქონლის მოწოდება უნდა განხორციელდეს ხელშეკრულების გაფორმების შემდეგ, არაუგვიანეს 2022 წლის 02 ივნისის ჩათვლით.

4.2 შესყიდული საქონელი უნდა იყოს ახალი, უფლებრივად და ნივთობრივად უნაკლო ნივთი. იმ შემთხვევაში, თუკი ნივთი საგარანტიო პერიოდის განმავლობაში გამოავლენს ხარვეზებს, მიმწოდებელმა უნდა უზრუნველყოს ნაკლის გამოსწორება ან ნაკლიანი ნივთის შეცვლა, ნივთზე თანდართული საგარანტიო ბარათის პირობების შესაბამისად.

4.3 საგარანტიო ვადა – შესყიდულ საქონელზე ვრცელდება 3 (სამი) წლიანი გარანტია, მომსახურება, რომლის მიხედვითაც, საქონლის დაზიანების შემთხვევაში, მიმწოდებელმა უნდა შეაკეთოს ან შეცვალოს ნივთი ახლით, ნივთებზე თანდართული საგარანტიო ბარათის პირობების შესაბამისად.

4.4 წინამდებარე ხელშეკრულების 4.2 და 4.3 პუნქტით განსაზღვრული ვალდებულებების შეუსრულებლობის ან არაჯეროვნად შესრულების შემთხვევაში „მიმწოდებელს“ დაეკისრება ჯარიმა სახელშეკრულებო ღირებულების 2% – ის ოდენობით.

4.5 დაზიანების/დეფექტის/წუნის აღმოფხვრის ან ახლით შეცვლის შემთხვევაში, შესყიდვის ობიექტის ტრანსპორტირების ხარჯები უნდა უზრუნველყოს მიმწოდებელმა.

5. ანგარიშსწორების ფორმა და ვადები.

5.1 ხელშეკრულების საერთო ფასი გამოსახულია საქართველოს კანონმდებლობით გათვალისწინებული შესყიდვის ობიექტის შესყიდვასთან და მიწოდებასთან დაკავშირებული ყველა სახის გადასახადის გათვალისწინებით.

5.2 ანგარიშსწორება მოხდება უნაღდო ანგარიშსწორებით (ავანსი არ გამოიყენება).

5.3 ანგარიშსწორებისთვის „მიმწოდებელმა“ უნდა წარმოადგინოს: საგადასახადო ანგარიშ-ფაქტურა ან/და სასაქონლო ზედნადები; ორივე მხარის მიერ ხელმოწერილი მიღება ჩაბარების აქტი.

5.4 ანგარიშსწორება მოხდება წინამდებარე ხელშეკრულების 5.3 პუნქტში მოცემული დოკუმენტების წარმოდგენიდან 10 სამუშაო დღის ვადაში, ეროვნულ ვალუტა – ლარში, მიმწოდებლის მიერ მითითებული რეკვიზიტების მიხედვით.

6. მიღება-ჩაბარების წესი.

6.1 საქონლის მიღებისას მოხდება საქონლის ტექნიკური პარამეტრების შემოწმება.

6.2 შესყიდული საქონელი ჩაითვლება მიღებულად მხოლოდ შესაბამისი საანგარიშსწორებო დოკუმენტაციის და ორივე მხარის მიერ ხელმოწერილი მიღება ჩაბარების აქტის წარმოდგენის შემდეგ.

7. მხარეთა უფლება-მოვალეობანი.

7.1. „შემსყიდველი“ უფლებამოსილია:

ა) ნებისმიერ დროს განახორციელოს მიმწოდებლის მიერ ნაკისრი ვალდებულებების შესრულებისა და ხარისხის ინსპექტირება;

7.2. „შემსყიდველი“ ვალდებულია:

ა) საქონლის მიღებისას შეამოწმოს მოწოდებული საქონლის ტექნიკური პარამეტრები. თუ მოწოდებული საქონლის ტექნიკური პარამეტრები არ ემთხვევა მოთხოვნილ ტექნიკურ პარამეტრებს შემსყიდველი უფლებამოსილია არ მიიღოს საქონელი, ან/და შეწყვიტოს ხელშეკრულება.

ბ) უზრუნველყოს „მიმწოდებელი“-ს მიერ მიწოდებული საქონლის ღირებულების ანაზღაურება ხელშეკრულებით გათვალისწინებული ვადებისა და პირობების დაცვით.

7.3. „მიმწოდებელი“ ვალდებულია:

ა) მიაწოდოს ხელშეკრულებით გათვალისწინებული საქონელი სათანადო ხარისხისა და სრული მოცულობით, განუხრელად და ჯეროვნად შეასრულოს ხელშეკრულების პირობები იმ ვადაში, რომელიც მითითებულია წინამდებარე ხელშეკრულებაში;

ბ) საქონლის მიღებისას, შემოწმების შედეგად თუ დადგინდა, რომ მოწოდებული საქონლის ტექნიკური პარამეტრები არ ემთხვევა მოთხოვნილ ტექნიკურ პარამეტრებს „მიმწოდებელი“ უზრუნველყოფს მომსახურებას ნივთზე თანდართული საგარანტიო ტალონის შესაბამისად.

7.4. „მიმწოდებელი“ უფლებამოსილია:

ა) მოსთხოვოს „შემსყიდველი“-ს მიწოდებული საქონლის ღირებულების ანაზღაურება ხელშეკრულებით გათვალისწინებული ვადებისა და პირობების დაცვით.

8. მხარეების პასუხისმგებლობა.

8.1 ხელშეკრულების პირობების დარღვევის შემთხვევაში, კერძოდ, თუ მხარეები ხელშეკრულებით გათვალისწინებულ დროში ვერ შეასრულებენ მათზე დაკისრებულ მოვალეობებს, დადგება მათი პასუხისმგებლობა, რომელიც განისაზღვრება ჯარიმით - ხელშეკრულების საერთო თანხის 0,2 % - ის ოდენობით ყოველ ვადაგადაცილებულ დღეზე.

8.2 საჯარიმო სანჯიციების გადახდა არ ათავისუფლებს მიმწოდებელს ძირითადი ვალდებულებების შესრულებისაგან.

8.3 იმ შემთხვევაში, თუ ვადების გადაცდენისათვის დაკისრებული პირგასამტეხლოს ჯამური თანხა გადააჭარბებს ხელშეკრულების ღირებულების 2%-ს, შემსყიდველს უფლება აქვს შეწყვიტოს ხელშეკრულება.

8.4 ხელშეკრულებით ნაკისრი ვალდებულებების შეუსრულებლობის ან არაჯეროვნად შესრულებისათვის ხელშეკრულების შეწყვეტის შემთხვევაში მიმწოდებელს ეკისრება პირგასამტეხლო ხელშეკრულების საერთო ღირებულების 2 % - ის ოდენობით.

8.5 პირგასამტეხლოს დარიცხვის შემთხვევაში, მისი დაკავება მოხდება, მიმწოდებლისთვის ასანაზღაურებელი თანხიდან.

9. ხელშეკრულებით ნაკისრი ვალდებულებების შესრულების ინსპექტირება.

9.1. ხელშეკრულებით ნაკისრი ვალდებულებების შესრულების ინსპექტირებას განახორციელებს „შემსყიდველი“-ს მიერ გამოყოფილი თანამშრომელი - **ზაზა მარკელია**.

9.2. ინსპექტირება გულისხმობს „მიმწოდებელი“-ს მიერ ხელშეკრულების პირობების შესაბამისად ვალდებულებების შესრულების და მოწოდებული საქონლის ხარისხის კონტროლს.

9.3. ყველა გამოვლენილი ხარვეზის ან ნაკლის აღმოფხვრასთან დაკავშირებული ხარჯების ანაზღაურება ეკისრება მიმწოდებელს საქართველოს კანონმდებლობით დადგენილი წესით.

10. ხელშეკრულებაში ცვლილებების შეტანა და ხელშეკრულების შეწყვეტა.

10.1. ხელშეკრულების პირობების, მათ შორის, ფასის შეცვლა დაუშვებელია, თუ ამ ცვლილებების შედეგად იზრდება ხელშეკრულების ჯამური ღირებულება, ან უარესდება ხელშეკრულების პირობები „შემსყიდველი“-სთვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა. ხელშეკრულების პირობების გადასინჯვა ხდება საქართველოს კანონმდებლობით დადგენილი წესით.

10.2. ხელშეკრულებაში ნებისმიერი ცვლილების და/ან დამატების შეტანა შესაძლებელია მხოლოდ წერილობითი ფორმით, მხარეთა შეთანხმების საფუძველზე, ხელშეკრულების დამატებითი შეთანხმების სახით, რომელსაც ექნება იგივე იურიდიული ძალა რაც წინამდებარე ხელშეკრულებას.

10.3 ხელშეკრულების ერთ-ერთი მხარის მიერ ხელშეკრულების პირობების შეუსრულებლობის შემთხვევაში მეორე მხარე უფლებამოსილია ცალმხრივად მიიღოს გადაწყვეტილება ხელშეკრულების შეწყვეტის შესახებ, რაც უნდა აცნობოს მეორე მხარეს არანაკლებ 5 (ხუთი) კალენდარული დღით ადრე წერილობით ან კომუნიკაციის ელექტრონული საშუალებების გამოყენებით.

10.4 ხელშეკრულება ასევე შეიძლება შეწყდეს მხარეთა ინიციატივით, ურთიერთშეთანხმების საფუძველზე.

11. ფორს მაჟორი.

11.1. მხარეები თავისუფლდებიან პასუხისმგებლობისაგან, ვალდებულებების სრულად ან ნაწილობრივ შეუსრულებლობისათვის ფორს მაჟორის შემთხვევაში, როდესაც ნაკისრი ვალდებულებების შესრულება შეუძლებელია.

11.2 ფორს-მაჟორის ქვეშ იგულისხმება გარემოება, რომელიც არ არსებობდა ამ ხელშეკრულების დადებისას და რომლის თავიდან აცილება, ან გადალახვა მხარეს არ შეეძლო.

11.3 მხარე, რომლისთვისაც ფორს-მაჟორის გამო შეუძლებელი შეიქმნა ვალდებულებების შესრულება, ვალდებულია დაუყოვნებლივ (ფორს - მაჟორის დადგომიდან არაუგვიანეს 2 სამუშაო დღისა) აცნობოს მხარეს ნაკისრი ვალდებულებების შეუსრულებლობის შესახებ. შეუტყობინებლობის ან დაგვიანებით შეტყობინების შემთხვევაში იგი კარგავს უფლებას დაეყრდნოს ფორს-მაჟორის არსებობას, როგორც პასუხისმგებლობისაგან განთავისუფლების საფუძველს. შეტყობინებაში მითითებული ფორს-მაჟორის ფაქტი უნდა დადასტურდეს.

11.4 ფორს მაჟორის მიუხედავად მხარე, რომლისთვისაც ნაკისრი ვალდებულებების შესრულება შეუძლებელი ხდება, კეთილსინდისიერებისა და გონიერების ფარგლებში, მიმართავს ვალდებულების შესრულების ყველა შესაძლო ალტერნატიულ ხერხს.

11.5 თუ ფორს-მაჟორული მდგომარეობა 30 დღეზე მეტ ხანს გრძელდება, მაშინ მხარეებს უფლება აქვთ ცალმხრივად შეწყვიტონ ხელშეკრულება.

12. სადაო საკითხების გადაწყვეტა.

12.1 ხელშეკრულების მოქმედების პერიოდში წარმოქმნილი ნებისმიერი დავა გადაიჭრება ურთიერთშეთანხმების გზით.

12.2 შეთანხმების მიუღწევლობის შემთხვევაში დავის გადასაწყვეტად მხარეები უფლებამოსილნი არიან მიმართონ სასამართლოს, საქართველოს მოქმედი კანონმდებლობის შესაბამისად.

13. შეტყობინება.

13.1 თუ ამ ხელშეკრულებით სხვა რამ არ არის გათვალისწინებული, მხარეთა შორის ამ ხელშეკრულების ფარგლებში ნებისმიერი ოფიციალური ურთიერთობა წარმოებს წერილობითი ფორმით და იგზავნება საფოსტო (ასევე ელექტრონული ფოსტის) გზავნილის სახით ან მიეწოდება უშუალო ადგილსამყოფელის მიხედვით. შეტყობინება შედის ძალაში ადრესატის მიერ მისი მიღების დღეს ან შეტყობინების ძალაში შესვლის დადგენილ დღეს, იმის მიხედვით, თუ ამ თარიღებიდან რომელი უფრო გვიან დგება.

13.2 შემსყიდველის მიერ შეტყობინება მიწოდებულად ითვლება იმ შემთხვევაშიც, თუ მან შეტყობინება გაგზავნა გაგზავნა მიმწოდებლის ყოფილ მისამართზე, რომელიც მიმწოდებელმა შესაძლოა შეცვალა, მაგრამ ამის თაობაზე არ აცნობა შემსყიდველს. ამ შემთხვევაში შეტყობინება მიწოდებულად ითვლება გაგზავნის მეორე სამუსაო დღეს.

14. ხელშეკრულების მოქმედების ვადა.

14.1 ხელშეკრულება ძალაში შედის მხარეთა უფლებამოსილი წარმომადგენლების ხელმოწერის დღიდან და მოქმედებს 2022 წლის 30 დეკემბრის ჩათვლით.

14.2 წინამდებარე ხელშეკრულების 4.3; 4.4 და მე-8 მუხლი მოქმედებს ვალდებულების სრულ შესრულებამდე.

14.3 ხელშეკრულებით გათვალისწინებული მუხლები, რომლებიც ეხება საგარანტიო ვადას, ძალაშია საგარანტიო ვადის პერიოდში.

15. სხვა პირობები.

15.1 მიმწოდებელმა შემსყიდველის წინასწარი წერილობითი თანხმობის გარეშე, არც მთლიანადდა არც ნაწილობრივ არ უნდა გადასცეს მოცემული ხელშეკრულებით არსებული თავისი ვალდებულებები მესამე პირს.

15.2 ყველა საკითხი რაც არ რეგულირდება ამ ხელშეკრულებით რეგულირდება საქართველოს კანონმდებლობით.

15.3 ხელშეკრულების დადების საფუძველია სახელმწიფო შესყიდვების შესახებ კანონის მე-3 მუხლის პირველი პუნქტის „ს“ ქვეპუნქტი (5000 ლარამდე შესყიდვა).

შემსყიდველი:

სსიპ „საქართველოს სახელმწიფო ჰიდროგრაფიული სამსახური“-ს

დირექტორი:

რევაზ ბაბილუა

მიმწოდებელი:

სს „ელიტ ელექტრონიკსი“-ს

დირექტორი:

ლადო ჯობავა